



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita Venerabilis Arnesti, (vulgò Ernesti) Primi
Archiepiscopi Pragensis**

Balbín, Bohuslav

Pragæ, 1664

Arnestvs Dei & Apostolicæ Sedis gratiâ Sanctæ Pragensis Ecclesiæ
Archiepiscopus.

urn:nbn:de:hbz:466:1-42763

etiam auspicij, *DEI Matrem* amandi, itaque de ea ejusque laudibus sane perelegantem *Librum* (cujus ego exemplar in vetusta Bohemiae Bibliotheca inventum, pulcherrimo scripturæ antiquissimæ genere exaratum apud me servo) *Arnesto* probandum obtulit. Habet is Liber in singulos anni dies, Lectiones ex sanctis Patribus concinnatas, magna semper Divæ Virginis commendatione. Neque ex vano titulum libro fecit *Laus MARIE*; nam quidquid veteres Græci, Latinique Ecclesiæ Patres in laudem Virginis attulere, complectitur, novis semper ac novis quotidie laudibus. Non existimo unquam hoc justum Volumen ad typum pervenisse, optabile foret si Patronum inveniret. Præfixa est Libro *Arnesti* probantis authoritas, quam approbationem, (quia singularem in *DEI Matrem* amorem sapit) non erit abs re forsitan hoc loco recitare.

ARNESTVS DEI & Apostolicæ Sedis gratia Sanctæ Pragensis Ec- clesiæ Archiepiscopus.

Universis & singulis Clericis, secularibus & Religiosis cuiuscunque statu, aut conditionis, aut præminentiae existant jure ordinario nobis subiectis, ac omnibus Christi fidelibus, per & infra nostram Dioecesim constitutis salutem in Dño sempiternam. Notum sit Universitati Vestræ, quod accedens ad nostram præsentiam Venerabilis in Christo Frater & Dominus, Dominus Mienhardus de Nova-Domo electus Ecclesiæ

clesiæ Trident; exhibuit, & præsentavit quendam libellum nuper de novo editum, ad laudem & honorem Beatissimæ MARIAE Virginis, qui intitulatur laus MARIAE, petens à nobis cum instantia, quatenus benignius annueremus, ut per Clericos nostræ Dioecesis, quibus placeret, & quorum corda tangeret Spiritus sanctus, series dicti Libri ad cursum Beatæ Virginis successivè pro lectionibus legeretur, non obstantibus lectionibus ad cursum ipsum ab antiquo legi assuetis, & constitutione nostra, & prædecessorum nostrorum quacunque, & nihilominus dictas lectiones devote legentibus certas Indulgentias ad promerendum vitam æternam concederemus. Nos itaque precibus hujusmodi justis & rationabilibus favorabiliiter annuentes, & præsertim per hoc Venerabili & intemeratæ Virgini MARIAE, ex cuius partu felicissimo desuper coelestis throni fulgore, humano generi non ambigimus, imò aperte cognoscimus, interminabilis felicitatis augmentum divini munera incessibili profluvio derivari, speciale præconium laudis procurare & efficere cupientes, omnibus verè poenitentibus, contritis & confessis, qui dictas lectiones de novo compilatas ad cursum legerint devotè, pro qualibet die, XL. dies.

Indul-

Indulgentiae de injunctis eis poenitentijs misericorditer in Domino condonamus, insuper praesenti constitutione misericorditer dispensamus: Quod hi, qui hujusmodi novas lectiones tenuerint, ad alias quae prius legi consuetae sunt, ut præfertur, non sint aliquatenus alligati & adstricti ha- rum, quibus sigilla nostra sunt appensa testimonio litterarum. Datum in Raudnicz Anno Domini M. CCC. LVI. die XXII. mensis Decembris.

Hactenus Arnesti litteræ, quas ea de causa attuli, nè hoc quoq; ut cætera, sancti Viri monumentū periret. Utinam, si quid in veteribus Bibliothecis ad Arnestum spectans reperiatur in posterum, ad gloriam viri olim tam honorati augendam, vulgetur!

Jam ad alterum, quod in capitis titulo narraturum me promiseram, accingor: Tanta annis illis pestilentia Europam invaserat, ut vivi sepeliendi mortuis agre sufficerent, ut loquitur Raynaldus. Descripsere hanc tantam calamitatem plurimi eorum temporum Scriptores, ac præcipue Petrarcha, qui eam ab A. 1348. usque ad 1361. ait, sapientis orbem transcurrisse. Nec Bohemia malum pepercit, quamquam historicorum nostrorum silentium mirari satis non possum, qui eam aut præterierunt, aut obiter ignoraverunt. Neq; dubium mihi unquam fuit, Arnestum Archiepiscopum, Principem bono populorum genitum, mira quædam (ut postea in Famine) in tanta temporum calamitate ad corporum & animalium salutem egisse, sed ut dixi, destituebar historicorum præconio. Nuper cum aliud agens in Bibliotheca S. I. Crumloviensi libellum quendam Adami de Winorze Metropolitanæ Ecclesia Pragensis Archidiaconi legerem, de Arnesto, quod optabam, inveni. Est liber hic Anno 1599. Praga editus, cum Bohemiam pestis vexaret, neve sine authoritate scriptum putes, præfixa libro est Sbignei

Dd

Berce:

Pestis in re-
to orbe re-
gnat.

Annal. Eccl. 1.
Tempo XVI.

an. 1353. &

ante 1348.

Cranzus in

Vandalia l. 6.

C. 29.

Petrarcha l. 3.

rev. senil. ep. 10.

Rebdorff. &

Argent. in

Chronico.

Admonitiones

ad populum S.

Orationes in

peste 1599. A.

dami de VVi-

norze.



Berce laudatissimi sub Clemente VIII. Pragensium Antifititis ad populum admonitio. Ex eo igitur libello censurā Archiepiscopi, & præfatione probato & honorato, & à viro nobilitate & doctrinâ insigni conscripto, ea quæ de Ernesto I. leguntur, totidem propè verbis ex Bohemico reddam: *Cum*, inquit, *sub Carolo IV.* *Divina Majestas.* Regnum Bohemiae bonis omnibus locupletasset, aurô & argento ditasset, homines ut sit, nimirū felicitate & opulentia gravante, in plurima lapsi sunt vitia; quare offensū Numen, gravi peste immisā Regnum affixit, eaq; tam santicā, ut qui egrotare cœpisset, ipso protinus die miserrime, summōq; cum cruciatu annimam exhalaret. Fidelis Pastor gregis sibi concrediti Ernestus DEI felicitater mitigare Archiepiscopus, uidens gravem DEI manum super peccatores extensam, cùm is esset, qui, ut sacre litteræ loquuntur, inventus est justus, & in tempore iracundie factus est reconciliatio, nulli peperit labori, viāq; omnes populo monstravit, quibus à se DEI indignationem avertiere, & placare Numen offensum posset. Quare cùm in Arce Carlsteinensi pretiosissimas Sandoram corporum Reliquias A. 1357. composisset, post Cesaream in urbe Metensi coronationem adiectas, ad correctionem sibi concrediti populi eosum animum convertit, in eadēq; arce eodem autumno in praesentia Caroli Cesaris patentes litteras toto Regno spargendas scripsit ad omnes sibi subjectos, quarum Exemplar fide dignissimum apud Cathedralem nostram Ecclesiam bususq; servatur, cuius epistola principium istud est: *Quandoquidem*, ut innumeris constat exemplu, aggritudinem anime, aggritudo quoq; corporis sepe consequi solet, & post emendationem vite, divina unde sit plaga avertitur à populis; hinc nuper evenit ante pauculos hosce annos, ut cùm gravis Pestilentia, ob multitudinem & magnitudinem criminum nostrorum in Patria regnaret, nosq; plagi admoniti, penitentiam egimus, & peccata iterare cessavimus, plaga quoq; nostra etiam cessavit; at nunc, cùm ad peccata priora, ut canes ad abominabilem vomitum redire solent, nos quoq; reverissemur, & forsitan (quod non sine amaritudine nostri cordis adiicimus) non veremur pejora prioribus petrare, Pestis rediens gravius in nos incubet. In priori sane pestilentiae tempore, hominibus afflatis Miseribordia DEI tres ad pa-

Noto.

nitendum



C. XVII. ARN. MARIE LAUDATOR. 213
nitendum dies, ut plurimum, concedebat, nunc verò eo quo afflan-
tur die, subitò ut animalia ratione carentia exturbantur è vita, &c:

Hoc ab Ernesto litterarum frustulum Scriptor citatus retu-
lit, reliquum, et si maximè cuperem nancisci, non potui. Addit ta-
men, quæ tum in Bohemia peste regnante statuerit Ernestus: erant,
inquit, per totam Bohemiam quotidiana constituta Sacra, ac pro-
cipue die Mercurij ac Veneris supplicatio publica ducebatur, cane-
bantur Litanie, sequebatur ad populum exhortatio, cuius argumen-
tum semper esset paenitentia, & quam noxiū foret, eam procrasti-
nare; monebantur, ut, præter esuriæles, qui incidebant, dies, die
Mercurij carnibus abstinerent, potationes, omnemq; scurrilem letō-
riam omitterent, & injurias mutuò condonarent. Hæc citatus
ille liber, qui cùm præterea de Ernesto contineat nihil, caput hoc
concludo. Ex his tamen pauculis, velut ex ungue, licebit coniuge-
re, quantâ fortitudine, murum sese pro domo DEI objecerit Ar-
nestus, quantūque ad iracundiam Divini Numinis placandam
contulerit.

Notæ in Caput XVI.

Mainhardus de Nova-Domo. Plures Main-Ex Bohemica Nobilitate
hardos de Novadomo in historijs legimus, sed hic, de quo
sermo, non est Mainhardus, ille armis inclitus, qui
Taboritarum temporibus egregiam Catholicæ rei navavit operam, qui-
que Taboritas hereticos in campis ad Kolinum singulari stratagemate
exceptos occidione occidit, de quo memorabili facto Sylvius, Hagek,
Dubravius, Cochlaeus ac Theobaldus scripsérunt. Mirum tamen
alicui videatur, nullam hujus Mainhardi Episcopi Tridentini apud
historicos noseros, & Paprociun de Familia Dominorum de Nova-
domo scribentem, extare memoriam. Fuerunt, verò illis faculis com-
plures ex Nobilitate Bohemæ, qui ad Episcopatus extra Patriam
sunt promoti, aus postulati, ut de Rosensibus, Novodomensibus,
Waldsteini's, Sternbergicis, alijsq; pluribus constat.

D d. 2

Nè